

Groth, Klaus: Rēgen, Rēgen drus' (1859)

- 1 Rēgen, Rēgen drus',
- 2 Wi sitt hier warm in Hus'!
- 3 De Vageln sitt in Bom to kurn,
- 4 De Köh de stat an Wall to schurn:
- 5 Rēgen, Rēgen drus',
- 6 Wi sitt hier warm in Hus'!

- 7 Rēgen, Rēgen rusch,
- 8 Wa rükt dat ut den Busch!
- 9 De Blöm de hangt so slapri dal,
- 10 De Böm de röhr de Bloed ni mal:
- 11 Rēgen, Rēgen rusch,
- 12 Wa rükt dat ut den Busch!

- 13 Rēgen, Rēgen sus'
- 14 Vun baben op uns Hus,
- 15 Vunt Dack hendal in striken Strom
- 16 Un lisen ut den Eschenbom:
- 17 Rēgen, Rēgen sus'
- 18 Vun baben op uns Hus.

- 19 Rēgen, Rēgen rull,
- 20 Bet alle Gröben vull!
- 21 Denn lat de Wulken æwergan,
- 22 Lat de Sünn wedderkam':
- 23 Rēgen, Rēgen rull,
- 24 Bet alle Gröben vull!

(Textopus: Rēgen, Rēgen drus'. Abgerufen am 23.01.2026 von <https://www.textopus.de/poems/56548>)